



Nakon hapšenja automafijaša sa Sokoca

# Pronađene ukradene registarske tablice vozila

Pripadnici SIPA-e prije nekoliko dana na Sokocu uhapsili Milorada Mirkovića, Aleksandra Subašića, Zorana Čobovića i Velimira Simića



Hapšenje jednog od osumnjičenih

Nakon što su pripadnici Državne agencije za istrage i zaštitu (SIPA) 8. jula ove godine na području Sokoca uhapsili Milorada Mirkovića, Aleksandra Subašića, Zorana Čobovića, a 9. jula i Velimira Simića, osumnjičene za organiziranje kriminala u vezi s auto-kriminalom, pregledom terena pronađeno je skoro 80 domaćih i stranih registarskih tablica automobila. Kako je

“Avaz” već pisao, u koordiniranoj akciji sa pripadnicima MUP-ova Republike Srpske i Kantona Sarajevo, pripadnici SIPA-e zatekli su 8. jula Mirkovića, Subašića i Čobovića na djelu dok su sjekli ukradene automobile na dijelove.

## Pretrasi i pregledi

U pretresima i pregledima tada je pronađeno više od 60 isječenih vozila viso-

ke klase najnovije proizvodnje te tri čitava vozila, za koja postoji sumnja da su ih u prethodnom periodu ukrali pripadnici organizirane kriminalne grupe.

- Operativnim radom pripadnici SIPA-e utvrdili su vlasnike 42 vozila čije su tablice pronađene, a koja su ukradena u prethodnom periodu, kao i

vlasnike devet vozila s kojih su ukradene samo tablice, dok provjere za ostatak pronađenih tablica i dalje traju.

## Istraga u toku

Aktivnosti na ovom predmetu intenzivno se nastavljaju, a o konačnim rezultatima javnost će biti naknadno informirana - saopćeno je iz SIPA-e. **Am. KOVAČ**